



**COMUNICADO DI PRENSA
2 MEI 2023**

Entrega di Fondonan Convocatorio Habri Aña pa Conmemoracion di Pasado di Sclavitud di Mondriaan Fonds a keda anuncia

E entrega di fondonan di e prome rondo di Convocatorio Habri Aña pa Conmemoracion di Pasado di Sclavitud di Mondriaan Fonds a keda anuncia. Mondriaan Fonds a haya 1 miyon euro pa e Convocatorio Habri, cual a wordo reparti proporcionalmente entre dos rondo di aplicacion. Den e prome, un totalidad di mas o menos di 150 aplicacionnan a wordo presenta na un comision independiente. Di esakinan, 15 iniciativa ta ricibi un contribucion. E iniciativanan ta varia den forma, grupo obhetivo y tema. Nan ta usa tur esaki pa duna atencion na e pasado di sclavitud di Hulanda. E actividadnan lo tuma luga durante e Aña di Conmemoracion cu ta cuminsa na 1 di juli 2023 y ta caba na 1 di juli 2024.

Riba 16 di januari 2023, e prome rond di e Convocatorio Habri Aña pa Conmemoracion di Pasado di Sclavitud di Mondriaan Fonds a cera. Un comision di conseho independiente a evalua e aplicacionnan segun e criterionan stipula. Tambe, e diversidad di proyectonan, e extension regional y un distribucion ekilibra entre e diferente tiponan di proyecto ta hunga un rol den e consideracion aki. Debi na e cantidad grandi di aplicacionnan cu a wordo presenta, lamentablemente no ta posibel pa honra tur e aplicacionnan cu a wordo evalua di forma positivo pa motibo di e presupuesto insuficiente. E comision a yega na e conseho di otorga e 15 aplicacionnan aki:

Fundashon Museo Tula, IJswater Films, Karolien Helweg, Marjet Zwaans, Mathieu Wijdeven, Mateo Pérez Vega, Rakesh Kanhai, Ruben La Cruz, Sites of Memory Stichting, Soraya Pol, Stichting Comite Herdenking Javaanse immigratie (Stichji), Stichting Rancho, The Black Archives (New Urban Collective), Untold, Wintertuin Curaçao.

E plannan di e aplicacionnan cu a wordo otorga ta varia den forma, for di pelicula te exposicion, simposio, arte y podcast. Tambe e topiconan y grupo di obhetivo di e plannan ta varia.

Mathieu Wijdeven & Mateo Pérez Vega lo desaroya un pelicula corto y instalacion di video tocante e artista di Surinam G.G.T. Rustwijk cu a wordo otorga un contribucion. Sites of Memory Stichting lo produci un presentacion na un localidad tocante libertad y resistencia. Stichting Rancho lo traha relatonan y entrevistanan tocante e historia menos resalta di e Sclavitud na Rancho Oranjestad Aruba. Rakesh Kanhai ta crea un podcast caminda e ta busca pensamentonan y expresionnan tipico cu ta wordo manifesta den e cultura cu resultadonan di sclavitud y colonialismo.

Eelco van der Lingen, director di Mondriaan Fonds, tocante e prome entrega di fondonan:

'E prome entrega di fondonan aki ta genera curiosidad y ta brinda un bista chikito di locual nan ta sosode durante e Aña di Conmemoracion venidero relaciona cu e manera con abolicion di sclavitud ta keda conmemora y celebra. Debi na e diversidad na conocimiento y disciplina y tambe e calidad di e plannan, nos lo kier a otorga mas. Pero nos ta keda ansioso pa e iniciativanan selecta cu ta duna un contribucion di nan mes manera pa promove conocimiento i consciencia tocante e pasado di sclavitud di Hulanda i con esaki ta sigui tin impacto riba nos presente.'



Como parti di e Convocatorio Habri Aña pa Conmemoracion di Pasado di Sclavitud, gobierno di Reino ta pone presupuesto disponibel pa actividadnan y iniciativanan tocante conmemoracion y celebracion di e abolicion di sclavitud y/o pa actividadnan y iniciativanan cu ta duna un contribucion na e conocimiento y consciencia tocante e pasado di sclavitud y e impacto di esaki riba nos presente. Mondriaan Fonds (y Fonds voor Cultuurparticipatie) cada uno ta haya 1 miyon euro pa durante e Aña di Conmemoracion sostene actividadnan di tanto institucion nan como hende nan y iniciativa nan chikito local cu ta establece den Reino Hulandes (Hulanda, Aruba, Boneiro, Corsou, Saba, St. Maarten y St. Eustatius).